



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLIII. ad annum DLXXVII.

**Parisiis, 1644**

II. De Paulo Samosateno, & quod auctor sit Nestorianae haeresis.

**urn:nbn:de:hbz:466:1-15324**

- & damnatione Dioscori.  
 XIV. De exilio Dioscori, & ordinatione Proterii Alexandrini episcopi.  
 XV. De ordinatione Timothei Eluri, & morte Proterii.  
 XVI. De ordinatione Timothei catholici, & Petri heretici.  
 XVII. De ordinatione Ioannis catholici, & damnatione Acacii.  
 XVIII. De episcopis Alexadrinis.
- XIX. De Seuero, Juliano, ac Macedonio.  
 XX. De Gaiano, & Theodosio.  
 XXI. De Agapeto papa, & Anthimo Constantinopolitano episcopo.  
 XXII. De Siluerio & Vigilio.  
 XXIII. De Paulo Alexandrino episcopo, & monachis Hierosolymorum.  
 XXIV. De Pelagio & Theodore Cappadocia.

## PRO OEM IV M.

## I.

**P**EREGRINATIONIS necessitatibus defatigatus, & aliquatenus feriatus animo a curis temporalibus, duarum hæresum, hoc est, Nestorianorum & Eutychianorum, ex ecclesiastica historia nuper de Græco in Latinum translata, & ex gestis synodalibus, vel sanctorum patrum epistolis hoc breuiarium collegi, nectens temporum curricula illa quæ in Græco Alexandriæ scripto accepi, vel grauissimorum hominum didici narratione fidei. Quod faciens pro mea eruditione & responsione contra falsiloquos vtrarumque partium sectatores, qui consueto studio aliter loquuntur de suis auctoribus, quam veritas habet, libenter offero catholicis fratribus ignorantibus acta ipsarum hæresum, & legere volentibus.

*De Paulo Samosateno, & quod auctor sit Nestorianæ hæresis.*

## CAPVT II.

**I**GTVR Nestoriani dogmatis auctor, vt multi volunt, Paulus agnoscitur Samosatenus episcopus, qui secutus doctrinam antiquorum hæreticorum, Dominum nostrum Iesum Christum purum hominem afferuit natum & passum. De sancta vero & summe beata Trinitate, vt Græci tradunt, Sabellii sententiam secutus est. Et propterea dicunt Nicænum statuisse Concilium, Paulianos omnino baptizandos, ponentes differentiam inter Pauli Nestoriique doctrinam, eo quod Nestorius confundens existentiam diuinitatis Filii Dei, Christum purum hominem tradidit conceptum atque formatum, & postea

in Deum prouectum , hoc est , hominem deificatum , &  
 non Verbum carnem factum , & habitasse in nobis , quod <sup>Ioann. 1.</sup>  
<sup>\* Leon-</sup> prædicat euangelium , & catholica confitetur ecclesia ,  
 negat . Propterea in epitoma chronicorum \* Lucentius  
 hoc ponit , & dicit : Felice & Tauro consulibus , Nesto-  
 rius Constantinopolitanus episcopus nouum ecclesiis  
 molitur errorem inducere , prædicans Christum homi-  
 nem tantum , non etiam Deum natum , eique diuinita-  
 tem collatam esse pro merito dicit . Socrates vero in libro <sup>Nicephorib.</sup>  
 ecclesiasticæ historiæ dirimit Nestorium a Paulo , eorum-  
 que differentiam sic ponit : Apparet , inquit , Nestorium  
 ignorasse lectiones antiquorum . Quapropter , ut dixi , in  
 sermone solo moratus est . Et non solum sermonem ex-  
 amiini dedit , sed etiam omnino Deum esse , qui natus est ,  
 denegavit . Nos autem fatemur , quoniam qui de sancta  
 virgine natus est , crucifixus est , Dominus est gloriae , sicut  
 dicit Apostolus : *Si enim cognouissent , nunquam Domini gloriæ* <sup>1. Cor. 1.</sup>  
*crucifixissent* . Porro Nestorius dicit : Noli gloriari Iudæe ,  
 non crucifixisti Deum . tamquam ipse Dominus gloriæ ,  
 idem non sit Deus . Nam quia purum hominem non dicit  
 Christum , sicut Photinus & Paulus Samosatenus , etiam  
 homiliæ , quas fecit , ostendunt . Nusquam enim Dei Ver-  
 bi subsistentiam perimit , sed ubique eum subsistere con-  
 fitetur & habere subsistentiam ; & non sicut Photinus &  
 Paulus Samosatenus , eius subsistentiam perimentes . Hæc  
 Socrates de Paulo & Nestorio : cuius testimonio vtens ,  
 sequar quid alia respondeat lectione : Ignarus Nestorius ex-  
 positionem sanctorum patrum prædicantium Dei Fi-  
 lium vnitione naturæ suæ in personam suscepisse homi-  
 nem , quam non habet cum patre communem , propter  
 individuam & inseparabilem patris & filii naturam , bea-  
 tam Mariam noluit dicere Dei genitricem , ne patri quo-  
 que natuitatem applicaret : ignorans demens , quoniam  
 pater & filius natura vnum sunt , discreti personis : quo-  
 niam qui genuit , non est genitus : neque qui genitus est ,  
 generauit . Hoc ignorantes Nestoriani , quasi nodosam &  
 indissolubilem nobis hactenus proponunt questionem ,  
 impudenter obiuentes patrem cum filio natum , si bea-  
 tam Mariam ~~Geotokov~~ confiteamur . Verum his ita se de Ne-  
 storio habentibus , cœptum opus percurramus .